

**ხელშეკრულება  
სახელმწიფო შესყიდვების შესახებ №19**

ქ.თბილისი

--- ივლისი 2019 წ.

**1. ხელშეკრულების მხარეები**

**1. ხელშეკრულების მხარეები**

ერთის მხრივ, საჯარო სამართლის იურიდიული პირი – ინსტიტუტი "ოპტიკა" (შემდგომში – შემსყიდველი ორგანიზაცია), წარმოდგენილი დირექტორის დავით კაკულიას სახით, და მეორეს მხრივ შპს „ელიტ სერვისი“ მისი გენერალური დირექტორის გელა ნატროშვილის (შემდგომში – მიმწოდებელი) სახით.

“სახელმწიფო შესყიდვების შესახებ” საქართველოს კანონისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული “სახელმწიფო შესყიდვების განხორციელების წესის შესახებ დებულების” შესაბამისად, ვდებთ წინამდებარე ხელშეკრულებას შემდეგზე:

**2. ხელშეკრულების ობიექტი და საგანი**

2.1. ხელშეკრულების ობიექტი და საგანია დანართი №1 გათვალისწინებული მომსახურება (შემდგომში – მომსახურება), კერძოდ - CPV: 50730000

2.2. ხელშეკრულების №1 დანართი წარმოადგენს ხელშეკრულების განუყოფელ ნაწილს.

**3. ხელშეკრულების ჯამური ღირებულება**

3.1. ხელშეკრულების ჯამური ღირებულება განისაზღვრება საქართველოს ეროვნულ ვალუტაში და შეადგენს 50 (ორმოცდაათი) ლარს. ხელშეკრულების ღირებულებაში შედის საქართველოს კანონმდებლობით დადგენილი გადასახადები.

**4. მომსახურების ვადები და ადგილი**

4.1. მომსახურების გაწევის ადგილია შემსყიდველი ორგანიზაციის ადგილსამყოფელი.

4.2. მომსახურების გაწევის ვადა განისაზღვრება ხელშეკრულებაზე ხელმოწერიდან 10 (ათი) სამუშაო დღის განმავლობაში.

**5. ხელშეკრულების ობიექტის მიღება-ჩაბარების წესი**

5.1. მომსახურების შესრულება დასტურდება მხარეთა უფლებამოსილი წარმომადგენლების მიერ ხელმოწერილი მიღება-ჩაბარების აქტით.

5.1. შემსყიდველი ორგანიზაციის მხრიდან მიღება-ჩაბარების აქტზე ხელმოწერის უფლება მიეცეს შემსყიდველი ორგანიზაციის იურისტს ანა ჩიხრაძეს (პირადი № 01024051926).

5.2. მომსახურების შესრულების დღედ მიიჩნევა მიღება-ჩაბარების აქტზე მხარეთა უფლებამოსილი წარმომადგენლების მიერ ხელმოწერის დღე.

**6. ანგარიშსწორების ფორმა და ვადა**

6.1. მხარეები ანგარიშსწორებას ახორციელებენ უნაღდო ანგარიშსწორების ფორმით საქართველოს ეროვნულ ვალუტაში, ხელშეკრულებაში მითითებულ საბანკო ანგარიშზე.

6.2. შემსყიდველი ორგანიზაცია ვალდებულია მიღება-ჩაბარებაზე ხელმოწერის დღიდან არაუმეტეს 10 (ათი) სამუშაო დღისა აუნაზღაუროს მიმწოდებელს ხელშეკრულების ჯამური ღირებულება.

## 7. მხარეების უფლება-მოვალეობანი

7.1. მიმწოდებელი ვალდებულია:

7.1.1. განახორციელოს ხელშეკრულების საგნით გათვალისწინებული მომსახურება, უზრუნველყოს მომსახურების მაღალი ხარისხი.

7.1.2. შეასრულოს მასზე დაკისრებული ვალდებულებები კეთილსინდისიერად და თავისდროულად.

7.1.3. მიმწოდებელი იძლევა გარანტიას მის მიერ შესრულებული მომსახურების ხარისხზე.

7.1.4. მიმწოდებლის მიერ 2.1 პუნქტში აღნიშნული სამუშაოების უხარისხოდ შესრულების შემთხვევაში მიმწოდებელი ვალდებულია საკუთარი ხარჯებით გამოასწოროს ნაკლი, მისი გამოვლენის დღიდან 5 კალენდარული დღის განმავლობაში, ხოლო იმ შემთხვევაში, თუ ვერ ხორციელდება ხარვეზის გამოსწორება, მიმწოდებელი ვალდებულია აუნაზღაუროს შემსყიდველი ორგანიზაციას ფაქტობრივად მიყენებული ზიანი.

7.1.5. დროულად აცნობოს შემსყიდველ ორგანიზაციას მოსალოდნელი სირთულის წარმოშობის შესახებ, რაც მას პრობლემას შეუქმნის მომსახურების შესრულებაში.

7.1.6. მის მიერ მომსახურების შესრულების ვადის გადაცილების შემთხვევაში შემსყიდველ ორგანიზაციას გადაუხადოს პირგასამტეხლო ყოველ გადაცილებულ დღეზე ხელშეკრულების ჯამური ღირებულების 0,01 პროცენტის ოდენობით.

7.1.7. პირგასამტეხლოს გადახდა არ ათავისუფლებს მიმწოდებელს ამ ხელშეკრულებით ნაკისრი ვალდებულებების შესრულებისაგან.

7.1.8. მიმწოდებელს არა აქვს უფლება, შემსყიდველი ორგანიზაციის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

7.1.9. მიმწოდებელი უფლებამოსილია მოითხოვოს ხელშეკრულების ჯამური ღირებულების დათქმულ ვადაში ანაზღაურება.

7.2. შემსყიდველი ორგანიზაცია ვალდებულია:

7.2.1. მიმწოდებელს ხელშეკრულებით გათვალისწინებულ ვადაში აუნაზღაუროს ხელშეკრულების ჯამური ღირებულება, მიმწოდებლის მიერ ნაკისრი ვალდებულებების სრულად და ჯეროვნად შესრულების შემთხვევაში.

7.2.2. მიმწოდებლისგან მიიღოს მომსახურების შესრულება ხელშეკრულებით გათვალისწინებულ ვადაში.

7.2.3. ანგარიშსწორების ვადის გადაცილების შემთხვევაში მიმწოდებელს გადაუხადოს პირგასამტეხლო ყოველ გადაცილებულ დღეზე გადაუხდელი თანხის 0,01 პროცენტის ოდენობით.

7.2.4. შემსყიდველი ორგანიზაციი უფლებამოსილია:

7.2.5. მიმწოდებლისგან მოითხოვოს მომსახურების ხელშეკრულებით გათვალისწინებულ ვადაში შესრულება.

7.3. თითოეული მხარე ვალდებულია კეთილსინდისიერად შეასრულოს ხელშეკრულებით ნაკისრი ვალდებულებები.

## **8. ფორს-მაჟორული სიტუაციები**

8.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა.

8.2. ფორს-მაჟორი ნიშნავს მხარეებისათვის გადაუღალახავ და მათი კონტროლისაგან დამოუკიდებელ გარემოებებს, რომელსაც აქვს წინასწარ გაუთვალისწინებელი ხასიათი და არ არის დაკავშირებული შემსყიდველი ორგანიზაციის ან/და მიმწოდებლის შეცდომებსა და დაუდევრობასთან. ფორს-მაჟორი შეიძლება გამოწვეულ იქნას ომით, სტიქიური უბედურებებით და სხვა გარემოებებით.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ უნდა გაუგზავნოს მეორე მხარეს წერილობითი შეტყობინება ასეთი გარემოების და მათი გამომწვევი მიზეზების შესახებ.

## **9.სხვა პირობები**

9.1. ეს ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2019 წლის 31 დეკემბრამდე.

9.2. მხარეთა შორის ხელშეკრულებასთან დაკავშირებული დავა წყდება მოლაპარაკების გზით. შეთანხმების მიუღწევლობის შემთხვევაში საკითხს წყვეტს სასამართლო.

9.3. ხელშეკრულებაში ცლილებების განხორციელება დაუშვებელია, თუ იმ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.4. ხელშეკრულებაში ცვლილებების შეტანა შესაძლებელია, მხოლოდ ორივე მხარის წერილობითი თანხმობის შემთხვევაში.

9.5. ორივე მხარე უფლებამოსილია შეწყვიტოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას.

9.6. ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად, რომელთაგან ერთი ეგზემპლარი გადაეცემა შემსყიდველ ორგანიზაციას, ხოლო მეორე ეგზემპლარი – მიმწოდებელს.

## 11. მხარეთა რეკვიზიტები

მიმწოდებელი

შპს „ელიტ სერვისი“

მის. ქ. თბილისი, პ. ქავთარაძის ქ. №3

ტელ.: 2 200 202

საიდენტიფიკაციო კოდი 204423285

საბანკო რეკვიზიტები

სს „საქართველოს ბანკი“

ბანკის კოდი - BAGAGE22

ა/ნ № GE76BG0000000270029400

გენერალური დირექტორი:

შემსყიდველი

სსიპ ინსტიტუტი „ოპტიკა“

ქ. თბილისი, მ. ალექსიძის ქ. №1

ტელ./ფაქსი: 2365008/2337821

საიდენტიფიკაციო კოდი # 211367279

საიდენტიფიკაციო კოდი 202253480

სახელმწიფო ხაზინა

კოდიTRESGE22

ანგარიშის ნომერი 7 0870 7519

დირექტორი:

გელა ნატროშვილი

დავით კაკულია

დანართი № 1

2019 წლის --- ივლისის № 19 ხელშეკრულების

ობიექტი

№	დასახელება	გან ზ.ე რთ	რაო დენ ობა	ერთ.ფასი (დღგ-ს ჩათვლით), ლარი	საერთო ფასი (დღგ-ს ჩათვლით), ლარი
1	კონდიციონერის შეკეთება და ტექნიკური მომსახურება (CPV: 50730000)				50
2					
3					
4					
5					
6					
7					
8					
9					
				სულ:	50.00 ლარი

მიმწოდებელი

შპს „ელიტ სერვისი“  
გენერალური დირექტორი

გელა ნატროშვილი

---

შემსყიდველი

სსიპ ინსტიტუტი „ოპტიკა“  
დირექტორი

დავით კაკულია

---

მიღება-ჩაბარების აქტი 19/1

ჩვენ, ქვემოთ ხელის მომწერნი, ერთის მხრივ, საჯარო სამართლის იურიდიული პირი- ინსტიტუტი "ოპტიკა", შემდგომში – შემსყიდველი და მეორეს მხრივ შპს „ელიტ სერვისი“ (შემდგომში – მიმწოდებელი) ვადასტურებთ, რომ ჩვენ შორის 2019 წლის --- ივლისის გაფორმებული #№19 ხელშეკრულების საფუძველზე მიმწოდებელმა შეასრულა ხელშეკრულებით გათვალისწინებული მომსახურება და შემსყიდველმა მიიღო შესრულებული მომსახურება, რომლის ღირებულებამ შეადგინა 50 (ორმოცდაათი) ლარი.

მხარეთა მიერ ხელშეკრულებით ნაკისრი ვალდებულების შესრულება მოხდა ხელშეკრულებით გათვალისწინებულ ვადებში, ხარისხი დამაკმაყოფილებელია და მხარეებს ერთმანეთის მიმართ პრეტენზია არ გააჩნიათ.

მიიღო:

ჩააბარა:

შემსყიდველი

მიმწოდებელი

სსიპ ინსტიტუტი „ოპტიკა“

იურისტი

ანა ჩიხრაძე -----

გელა ნატროშვილი -----